

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj: 02-011-245 /'00
Sarajevo,23.10.2000.god.

Z A P I S N I K

**24. sjednice Doma naroda Parlamentarne skupštine Bosne i
Hercegovine održane 23.10. 2000. godine**

Sjednica je počela sa radom u 11,35 sati.

Sjednicom je predsjedavao mr.Vladimir Šoljić, predsjedavajući Doma naroda Parlamentarne skupštine Bosne i Hercegovine.

Na sjednici Doma naroda bilo je prisutno 13 delegata i to 5 predstavnika bošnjačkog naroda, 5 predstavnika hrvatskog naroda i tri predstavnika srpskog naroda.

Izostanak su opravdali Momir Malić i Ristan Ristić.

Pored delegata Doma naroda sjednici su prisustvovali: Mirsad Kurtović, ministar za vanjsku trgovinu i ekonomske odnose BiH, Fatima Leho, zamjenik ministra za trezor institucija BiH, Anton Ril, zamjenik ministra za trezor institucija BiH, Fadil Haverić, zamjenik ministra za ljudska prava i izbjeglice BiH, Ivo Lozančić - u ime predlagača zakona, Fahrudin Rizvanbegović - u ime Vlade Federacije BiH, Seada Paravlić - u ime predlagača zakona, Ombudsmen BiH Frank Orton, Generalni revizor i zamjenici generalnog revizora finansiskog poslovanja institucija BiH te predstavnici OSCE-a, OHR-a i Phare-projekta.

Nakon što je utvrdio da ima kvorum, predsjedavajući Doma naroda je predložio sljedeći

DNEVNI RED :

1. Usvajanje Zapisnika 23.sjednice Doma naroda;
2. Prijedlog izmjena i dopuna Budžeta institucija BiH i međunarodnih obaveza BiH za 2000.godinu;
3. Predlog zakona o izmjenama zakona o izvršenju Budžeta institucija BiH i međunarodnih obaveza BiH za 2000.godinu;

4. Prijedlog zakona o postupku zaključivanja i izvršavanja međunarodnih ugovora;
5. Prijedlog zakona o slobodi pristupa informacijama u BiH;
6. Nacrt zakona o Ombudsmenu BiH;
7. Davanje saglasnosti Federaciji BiH, za sklapanje sporazuma o kreditu za oporavak obrazovanja sa Fondom OPEK-a i
8. Odgovori na delegatska pitanja, delegatska pitanja i inicijative.

Dnevni red je usvojen jednoglasno.

AD. 1. Usvajanje zapisnika 23. sjednice Doma naroda

U raspravi o zapisniku 23. sjednice niko nije učestvovao.
Zapisnik 23. sjednice usvojen je jednoglasno.

AD.2. Prijedlog izmjena i dopuna Budžeta institucija BiH i međunarodnih obaveza BiH za 2000.godinu

U raspravi o ovoj tački dnevnog reda učestvovali su: Fatima Leho, Vladimir Šoljić, Ivan Miletić, Đoko Pajić, Fadil Haverić, Izet Žigić i Drago Ljubičić.

Sa 11 glasova Za i 2 Uzdržana glasa usvojen je prijedlog izmjena i dopuna Budžeta institucija BiH i međunarodnih obaveza BiH za 2000.godinu.

Donesen je i zaključak da se Institutu za reviziju BiH pruži maksimalna finansijska podrška kako bi ta institucija mogla neometano obavljati svoje poslove i zadatke.

AD. 3. Predlog zakona o izmjenama zakona o izvršenju Budžeta institucija BiH i međunarodnih obaveza BiH za 2000.godinu

U raspravi o ovoj tački dnevnog reda nije bilo diskutanata i Prijedlog zakona usvojen je jednoglasno.

AD. 4. Prijedlog zakona o postupku zaključivanja i izvršavanja međunarodnih ugovora

U raspravi o ovoj tački dnevnog reda nije niko učestvovao.

Prijedlog zakona je usvojen jednoglasno u istom tekstu kao i u Predstavničkom domu Parlamentarne skupštine BiH.

AD. 5. Prijedlog zakona o slobodi pristupa informacijama u BiH

U raspravi o ovoj tački kao predlagač zakona, Domu naroda obratio se Ivo Lozančić poslanik u Predstavničkom domu Parlamentarne skupštine BiH.

Delegati nisu učestvovali u raspravi po ovoj tački.

Nakon glasanja zakon je usvojen sa 11 glasova Za i 2 glasa Uzdržana.

AD. 6. Nacrt zakona o Ombudsmenu BiH

U raspravi o ovoj tački dnevnog reda učestvovali su : Seada Paravlić, koju je predlagač zakona Edhem Bičakčić ovlastio da u njegovom odsustvu učestvuje kao predlagač zakona sa čime se kolegij Doma naroda usaglasio, Frank Orton - Ombudsmen BiH i delegati Đoko Pajić i Vinko Zorić.

Delegati su se jednoglasno izjasnili za usvajanje Nacrta zakona o Ombudsmenu BiH i izrazili mišljenje da on predstavlja dobru osnovu za izradu Prijedloga zakona uz uvažavanje diskusija koje su iznesene.

AD. 7. Davanje saglasnosti Federaciji BiH, za sklapanje sporazuma o kreditu za oporavak obrazovanja sa Fondom OPEK-a

Po ovoj tački dnevnog reda ispred Vlade Federacije BiH obratio se ministar za obrazovanje, nauku, kulturu i sport Fahrudin Rizvanbegović.

Delegati Doma naroda nisu učestvovali u raspravi i sporazum je usvojen jednoglasno.

AD. 8 . Odgovori na delegatska pitanja, delegatska pitanja i inicijative

Odgovora na delegatska pitanja i delegatskih pitanja nije bilo.

Upućene su dvije Inicijative:

Delegat u Domu naroda Momir Tošić je ispred Kluba delegata iz RS-a uputio inicijativu o uspostavi diplomatskih odnosa između BiH i SR Jugoslavije, a kao prvi korak predložio je razmjenu Parlamentarnih delegacija između dvije države. O ovoj inicijativi delegati se nisu izjašnjavali.

Đoko Pajić delegat u Domu naroda podnio je inicijativu i pozvao se na pismo Jadranka Prlića Ministra za vanjske poslove BiH u kojem

obavještava delegate da je zatražena saglasnost BiH da se za predstojeće zasjedanje CEI-a pozove delegacija SR Jugoslavije kao posmatrač. Ova inicijativa je upućena Parlamentarnoj delegaciji pri CEI-u.

Sjednica je završila sa radom u 12:30 sati.

Magnetofonski snimak čini sastavni dio Zapisnika.

PREDSJEDAVAJUĆI
DOMA NARODA
mr. Vladimir Šoljić s.r.